

Izjava visokog predstavnika Christian Schwarz-Schilling o Srebrenici na konferenciji za medije organiziranoj nakon sastanka s tri premijera



Dobar dan i hvala vam što ste došli na današnju konferenciju.

Mislim da ime u svih nas mogu reći da smo upravo održali koristan sastanak o načinima na koje bi se praktično mogla poboljšati situacija u i oko Srebrenice.

Saglasili smo se da je regiranje na situaciju u Srebrenici moralni i politički imperativ.

Svi moramo raditi na tome. Moramo raditi na tome jer je to ispravno samo po sebi; jer je to pravedno za žrtve i preživjele i jer o tome ovise budući međunacionalni odnosi i proces pomirenja u ovoj zemlji.

Stoga smo se saglasili da poduzmemo koordinirane aktivnosti u kojima će sudjelovati i lokalne institucije i međunarodna zajednica kako bismo bolje usmjerili svoje napore vezane za Srebrenicu.

Prije nego što kažem nešto više o ovim aranžmanima, dozvolite mi da kažem nekoliko riječi o pitanju podrške Srebrenici.

Tokom proteklih šest sedmica međunarodna zajednica u Bosni i Hercegovini je analizirala situaciju u Srebrenici kako bi utvrdila kakva vrsta podrške je pružena tokom proteklih godina i kakvi su rezultati ostvareni na osnovu te podrške.

Dok su različiti organi vlasti radili na definiranju prioritetnih projekata, mi smo analizirali različite vrste podrške u različitim oblastima kao što su vladavina prava, humanitarna pomoć, održivi povratak i socijalna i ekonomska pitanja.

Utvdili smo, na primjer, da je međunarodna zajednica obezbijedila najmanje 67 miliona KM pomoći od 1996. godine i da je od tog iznosa 9 miliona KM izdvojeno za ovu godinu.

Lokalni organi vlasti na državnom nivou i na nivou Federacije i Republike Srpske su takođe izvojili oko 31 milion KM samo za 2007. godinu, a najveći dio tih sredstava osigurala je Vlada Republike Srpske za razvoj infrastrukture.

Ovo su značajna finansijska sredstva.

Izuzev jednostranih zahtjeva za posebnim ustavnim statusom Srebrenice, koje ne možemo prihvatiti, razmotrili smo i različite zahtjeve lokalnog stanovništva, te smo pokušali uskladiti njihove zahtjeve s prijedlozima koje je dala svaka od Vlada koje danas ovdje predstavljaju premijeri.

OHR je na ovaj način izradio listu preporuka koje se odnose na šest oblasti: opšta situacija, pravosuđe, nestale osobe, Fondacija, ekonomski razvoj, i socijalna prava uključujući penzije, zdravstvenu zaštitu i obrazovanje o kojima smo upravo razgovarali.

Premijeri će mi u narednih nekoliko dana dostaviti svoje komentare na ovaj dokument, zajedno sa, ukoliko je to moguće, svojim usklađenim stavovima.

Kao što sam ranije rekao, takođe smo se saglasili da poduzmemo koordinirane aktivnosti u kojima će sudjelovati i lokalni organi vlasti i međunarodna zajednica kako bi nadzirali i bolje fokusirali svoje napore vezane za Srebrenicu.

To će uključivati po jednog predstavnika organa vlasti čiji su

predstavnicima ovdje danas s nama, kao i specijalnog koordinatora kojeg namjeravam imenovati za koordiniranje aktivnosti međunarodne zajednice.

Saglasili smo se da ću sljedeće sedmice održati sastanak s predstavnicima koje će odrediti svaki od premijera kako bismo potvrdili našu namjeru da poduzmemo koordinirane napore i kako bismo održali sastanak o konkretnim operativnim pitanjima u cilju ostvarivanja daljnjeg napretka.

Hvala.